




漁洋山人精華錄

一



卷



漁洋山人精華錄十卷

四部叢刊集部

上海涵芬樓景印  
林佶寫刊本原書  
板心高音造尺五  
寸七分寬四十六分

萬曆庚戌之歲偕余舉南宮者關西文太青新城王季  
木竟陵鍾伯敬皆雄駿君子掉鞅詞壇太青博而與季  
木贍而肆踔厲風發大放厥詞太青贈季木曰元美吾  
兼愛空同爾獨師蓋其宗法如此而伯敬以幽閒隱秀  
之致標致詩歸竄易時人之耳目迄於今軫材諷說纂  
弄研削莫不援引鍾譚與王李徐袁分茅設籞而關西  
新城之集孤行秦齊間江表之士莫有過而問者三子  
之才力伯仲之間耳而身後之名飛沈迴絕殆亦有幸  
不幸焉千秋萬歲古人所以深歎於寂寥也季木歿三十  
餘年從孫貽上復以詩名鵠起閩人林古度論次其  
集推季木為先河謂家學門風淵源有自新城之壇壝

大振於聲銷灰燼之餘而竟陵之光燄燐矣余蓋為之  
撫卷太息知文苑之乘除有劫運參錯其間殆亦可以  
觀天咫也嗟乎詩道淪胥浮偽並作其大端有二學古  
而廣者影掠滄溟弇山之贅語尺寸比擬此屈步之蟲  
尋條失枝者也師心而妄者懲創品彙詩歸之流弊眩  
運掉舉此牛羊之眼但見方隅者也之二者其持論  
區以別矣不知古學之繇來而勇於自是輕於侮昔則  
亦同歸於枉易而已貽上之詩文繁理富銜華佩實感  
時之作惻愴於杜陵緣情之什纏綿於義山其談藝四  
言曰典曰遠曰諧曰則沿波討源平原之遺則也截斷  
衆流杼山之微言也別裁僞體轉益多師草堂之金丹

大藥也平心易氣耽思旁訊深知古學之繇來而於前  
二人者之為皆能洮汰其癥結祓除其嘈囁思深哉小  
雅之復作也微斯人其誰與歸貽上以余為孤竹之老  
馬過而問道于余余遂趣舉其質言以為叙往余嘗與  
太青季木論文東闕下勸其追溯古學毋沿洄於今學  
而不知返太青喟然謂季木曰虞山之言是也顧我老  
不能用耳今二子墓木已拱聲塵蔑如余八十昏忘值  
貽上代興之日向之鏘礪知已用古學勸勉者今得於  
身親見之豈不有厚幸哉書之以慶余之遭也虞山蒙

叟錢謙益序

古詩一首贈王貽上

吉祺

謙益

風輪持天地擊鼉為風謠吹萬肇遠古賡歌暢唐姚  
朱絃汜漢魏麗藻沿六朝有唐盛詞賦貞符彙元包  
百靈聽驅使萬象窮鍤雕千燈咸一光異曲皆同調  
彼哉譏議者穿穴紛科條初盛別中晚畫地成狴牢  
妙悟掠影響指注闡釐毫甕天醯雞覆井月癡猿號  
化為芳詩魔飛精入府焦窮老蔽蔀屋不得瞻次寥  
正始日以遠詞苑襍芳苗獻吉才雄驚學杜餉醜糟  
仲默俊逸人放言誓謝陶考辭竟嘈嘴懷響歸浮漂  
江河久雍決辱濁亦騰躍么絃取偏張苦調搜啁噍  
鳥空而鼠即厥咎為詩詆喪亂亦云贊詩病不可瘳  
譬彼膏肓疾傳染非一朝嗚呼杜與韓萬古垂斗杓

北征南山詩泰華爭岩堯流傳到於今不得免傲嘲  
況乃唐後人嗤點誰能跳窮子抵尺璧凍人裂復陶  
熠燿點須彌可為渠畧標昌黎笑羣兒少陵訶汝曹  
嗟我老無力掩耳任呴吸王君起東海七葉光漢貂  
騏騕奮蹴踏萬馬喑不驕識字函雅故審樂辨簫韶  
落紙為歌詩絳雲卷青霄自顧骨骼馬創殘卧東郊  
敢云老識路昏忘慙招邀河源出星海東流日滔滔  
誰蹠巨靈掌一手堙崩濤古學喪根幹流俗沸螗蜩  
僞體不別裁何以親風騷珠林既深深玉河復迢迢  
方當剪榛楓未可榮蘭苕瓦釜正雷鳴君其信所操  
勿以獨角麟媿彼萬牛毛伊余久歸佛繙經守僧寮

張觸為此詩狂言放調刀無乃禪病發放筆自抑搔  
起挑常明燈懺除坐寒宵

鶴峯山人蘇笠像

鮑氏開野升

三百年前無少客  
貯貯言殊未可  
處處笠孟禪氣  
所到處來而其聲不絕  
白毫祖師盡心其在



居士

開野

方召厚所植靈叽冥其迹  
納衆深而洪纖不遺冠羣  
言而聚精咸浹身著朝衫  
頭戴笠孟縣眉山共標格  
三百未來無此客 宛陵梅庚

歸善山人集

漁洋山人精華錄總目

門人候官林佶編

卷一

古體詩

卷二

古體詩

卷三

古體詩

卷四

古體詩

卷五

今體詩

卷六

今體詩

卷七

今體詩

卷八

今體詩

卷九

今體詩

卷十

今體詩

漁洋山人精華錄卷一

門人侯官林佶編

古體詩

對酒

對酒歌慨慷自我屬有生共得睹太平皇帝陛下惟樂  
康宮府治丞相無私人諸諫官彈射姦慝咸有直聲自  
中丞刺史良二千石各各有廉名日南交趾皆我郡縣  
蠻夷君長以時稽首殿庭屬國具為令文苟生翠來王  
京幸太學三老而五更遂賜民爵一級存問長老遣都  
吏循行大酺十日除官刑美人曼壽百室豐盈

慕容垂歌

三解

慕容初入鄴已有虎狼志前驅丁零部後面鮮卑騎

燕燕尾涎涎飛飛啄塘蒲三原隔五嶺緩急當奈何  
慕容在何許已度涼馬臺饑鷹掣韁絲一逝不復歸

白紵詞三首

江南煙水多白鳧羣飛啞啞烟際呼美人窈窕為君娛  
蜀羅吳縠曳華裾修眉星的妍且都明燈遙映丹脣朱  
清歌錯落大小珠折腰流盼意態殊乍進欲退心躊躇  
芙蓉灼灼迴雙趺仙珮丁丁鳴六銖燭殘月暗漏滴壺  
宛轉為君開繡襦

青春遙夜開華堂綺羅絃管東西廂阿誰公子淮南王  
美人家本邯鄲倡合蟬隣馬耀明粧起舞為君陳樂方  
翠曾參差烟際翔鸞驚龍婉相頡頏西城北里各擅場

羅襷文巾紛御香明眸善睐含流光舞罷雲中孤月涼  
若耶溪水勝瀟湘越川佚女春浣香織成白紵冰雪光  
上為舞衣下舞裳大秦珍珠明月璫崑山玉撥映金梁  
齊琴趙瑟聲鏘鏘七聲妙舞紛相當須臾璧月沉西方  
汝南鳴雞啼曉霜今我不樂去日長裴回念此摧中腸  
翡翠翠幄陳高堂請君安坐樂未央

擬美女篇

洛濱風日好美女出相望瑤象飾香轂玉軌鳴鏘鏘采  
春蘭阪上弭葢蘚臯傍龍輔節纖步鸞珠結明璫借問  
女誰氏小小生平陽大姊入後宮次姊瑯琊王小妹雖  
不貴夫婿直東箱出入冠駿驥天子侍中郎檻衣萬錦

費驥襄千金裝容華誠自惜貴盛寧易詳洛水正微波  
明瀾一何長川路西南永扁舟不可方寄語盛年子顧  
義慎自防

擬白馬篇

駿馬生代北少年出幽并結束各光采指顧風雲生朝  
遊屬王觀夕宿衛承明身逐孤兒隊名隸羽林兵行行  
南山獵意氣何縱橫蒼隼決雲來飛矢逆風鳴大澤鶴  
鵠道深雪狐兔驚迴瞻鶴雀門突兀與雲平鞍馬倏來  
歸勢若浮烟輕昨夜羽書至貳師出邊庭上馬別妻子  
鳴鎬追前旌舊隨冠軍伍復此河源行大漠少行人深  
谷多鼯鼈朝飲沙上泉夕成雲間城左碩疏勒服右盼

伊吾清無令都護將關外獨聲名

自石槁尋黛溪遂至摩訶峯下

日落山氣涼清流自廻轉窮源不知勞漸忘溪路遠幽  
石各奔峭修樹亦婉蜒遙睇徑難測廻瞻途屢變寐歷  
衆山響蕭條晚風善微徑暮樵出懸崖歸鳥見須臾夕  
霏收殘陽四山徧新月忽清揚餘霞自舒卷稍覺葛衣  
輕幸藉孤筇健平生丘壑人茲言庶能踐

由柳菴踰西山最高頂至醴泉寺拜范祠

清境難久留申旦戒徒御引領睎前峯抗策辭東路數  
武即嶧嶢危蹊少安步顧盼見百里雲日媚烟樹憑高  
俯澄湖風帆競孤鷺晴旭移峯巔明晦變已屢褰衣入

空翠溪流渺南注移疎曠遊眺蒼茫失昏曙東山清風  
來西澗涼雨度澄潭益蕭瑟游鱗紛散聚前賢跡已遠

山川緬猶故風昔思古人三歎讀書處

醴泉謁誌公像觀唐碑

碑開元三年乙卯立

早讀神僧傳緬希誌公迹劍水蹤已遙鍾山事成昔豈  
知常白峯留此千年石鳥爪帶銅綠鏡面瑩蘚碧磨滅  
開元碑蟲鳥紛難譯披蘿完遺文剥苔理殘畫斷闕發  
聞見樵牧增歎惜陸銘圮寒冢王碑委荒僻廬陵傲珠  
犀東武比博奕淪棄多名珍何憚窮鉤索一勺醴泉水  
供此風雨夕神僧傳誌公面瑩澈如鏡手足皆鳥爪碑有云  
陸僊製銘于冢內王筠勒碑于寺門皆與傳合

醴泉寺高閣瞻眺有懷范文正公

風雨湖上来蕭條灑飛閣殷雷起睂際極目窮寥廓遙  
天壓煙水空濛氣磅礴大澤盤蛟龍斜風偃鶻鷁郤眺  
鴻濛中日光遠迴錯草木暗四山急淙鳴萬壑悵然思  
古人大雅何時作

書堂

絕澗已千仞磴道仍九盤直上若懸溜纏屬勢難安右  
顧踐鹿跡左顧憑鳥翰日落空山中蕭然風氣寒精舍  
壁間出洞門天際看奇石巒巖戶孤立何贊屹突兀拔  
澗底窈窕凌雲端入門度飛梁傍夕聞驚湍幽軒宛初  
構几榻皆峯巒頗意雷雨時雲氣生戶間諸天發鐘磬  
星斗方闌干惆悵此靈境羣然懷懶殘

復雨

花枝濛濛日將暮  
颺颺涼颺起庭樹  
雨腳射地畫陰晦  
急溜鳴簷不知數  
連年左輔嗟大無  
有蜚多麋仍屢書  
良民重累背鄉縣  
奸民攻剽成崔苻  
天南干戈未寧息  
男罷農耕女廢織  
長沙江中多戰船  
祝融峰頭尚兵革  
羽書日日下山東  
桔程轉輸動千億  
苦竹黃楓猿畫啼  
舟子征人少顏色  
掘冢鑄幣既不能  
展轉呼天猶力穡  
今年稍稍宜雨暘  
黍稷撲撲稻葉長  
長官鞭朴那敢避  
努力公家輸酒漿

和窟室畫松歌

黃門園中有窟室  
背枕亞祿山名臨滄溟石壁磊砢一千

丈入眼鬚髯生精靈  
橫壁老松誰所作  
海風怒攫山欲傾  
盛陰五月凜霜雪  
怒姿萬變盤雷霆  
疑是溟渤含日氣  
不然天上来星精  
我來盛夏變冬序  
白晝慘淡生晦冥  
顛毛亂指舌上擣  
寒肌起栗心骨驚  
上下蒼茫有神鬼  
左右騰跳飛鼯鼃  
江南吳生昔為此  
一一下筆皆龍形  
昔者吳道子畫壁  
天宮寺將軍劍舞何  
蔚跂興酣筆落氣磅礴  
萬夫動色嗟神異  
吳生畫松已百載  
鐵幹霜皮終不改  
南榮曝背亦吾儕  
偃蹇龍鱗好相待

蠡勺亭觀海

登高丘而望遠海  
坐見萬里之波濤  
長天寥廓雲景異  
春陰偃蹇魚龍高  
怒潮乘風立千丈  
虎蛟水兕紛騰逃

羣靈潛結萬蜃氣一痕未沒三山林須臾勢盡潮亦止  
波淡天清靜如綺菱苔沉綠紛塘坳螺蚌搖光散沙汭  
參差島嶼羅殊域紛如星宿秋天裏擊我劒聽君歌有  
酒不飲當奈何日主祠前水蕭瑟仙人臺上雲嵯峨羨  
門高誓不可見秦皇漢武空經過祇今指顧傷懷抱黃  
牋帳併盡荒草人生快意無幾時明鏡朱顏豈長好吾  
將避世女姑山不然垂釣蜉蝣島

周文矩莊子說劒圖

後有董宗伯書說劒篇

古今人物畫手誰第一晉有衛協吳曹興南唐周生更  
奇雋行筆瘦掣姿峻嶒此圖在世踰千載墨光黯淡生  
光晶君王隱逸各有態蠶絲烟篆文迴縈目瞋鬢突五

劒客短後之衣曼胡纓二人竚立目左顧劒如星日光  
縱橫昂首右顧者三士二人按鐸神欲生一人拔劒作  
虎步怒如截兕吞長鯨使筆如劒劒氣出此公無乃能  
鐵兵莊生說劒固豪快十步千里無留行千年奇論佐  
奇筆揮毫潑墨皆飛鳴雲間墨妙更道絕鍾王腕底紛  
鬪爭自云昔見吳興書說劒恨不作圖雙妙并今逢此  
卷信神物又恨作書非趙卿徘徊三歎出金石煥然妙  
蹟如神明我聞周生妙得後主作字法秋胡謝女風格  
清秦淮花月汴京土感此傷人今古情宣和御藏文矩有秋胡  
故實謝女寫真等圖

冬日偶然作四首

太史下蠶室坎壠誰見知發憤傳貨殖千古同悲噫郭

縱出鑄冶翁伯起販脂灑削既鼎食胃脯亦連騎志士  
守蓬蘽不如文馬醫索帶披敝裘不如規魚陂

我愛灌仲儒意氣薄雲天長嘯入吳軍指顧堅壁穿長  
戟鬱龍蟠怒騎如風旋聲名冠諸侯皆曰夫夫賢魏其  
勢既落田氏寵益專朝請考工地夕奪城南田丞相故  
賓客顧盼忽屢遷笑罵顧四筵殊不直一錢當時膝席  
子岌岌皆危冠

鄭季有孽子少小為人奴騎從平陽主給事建章居朝  
拜大將軍封侯詫鉗徒遂復還尚主賜第耀通衢隴西  
老飛將猿臂雄萬夫白首不得侯心折幕府書誰能對  
刀筆臨風自捐軀天道有如此千古同欷歔

吾家有方平雅志託林壑拂衣早歸耕船裏行採藥卜  
築沃川墅垂釣上虞郭邈矣孔阮儔遐哉箕願樂瑯琊  
多龍鸞羨此雲中鶴

春不雨

西亭石竹新作芽遊絲已罥櫻桃花鳴鳩乳燕春欲晚  
杖藜時復經田家父老向我說穀雨久過三月節  
春田龜坼苗不滋猶賴立春三日雪我聞此語重嘆息  
瘠土年年事耕織暮聞窮巷叱牛歸曉見公家催賦入  
去年暘雨幸無愆稍稍三農獲晏食春來穀賤復傷農  
不見饑鳥啄遺粒即今土亢不可耕布穀飛飛朝暮鳴  
春草作飯藜作羹吁嗟荆益方用兵

蠶租行

十解

丁酉夏有民家養蠶質衣釤鬻桑而催租急遂  
縊死其夫歸見之亦縊王子感焉作是詩也

陽春三月時蠶子何蠕蠕三日出蚕中五日徧籩一解  
東鄰有少婦養蠶方一壘夜夜伴蠶眠桑葉恐不周  
朝出南陌頭猗猗望桑柔亦不見桑柔椹子醉鳴鳩三解  
婦來見蠶饑徘徊當奈何脫我耳邊釵鬻我嫁時襦四解  
阿夫持襦去里正持符來漢中索軍租不得還顧私五解  
里正且上坐黽勉具晨炊但緩一月餘蠶成賣新絲六解  
新絲亦難賣新穀亦難收不見馬上郎雉尾紅錦裘七解  
再拜謝里正丈人且旋歸鬻我嫁時襦脫我耳邊釵八解

蠶應黑瘦盡軍租持底當痛哭視孤兒畢命朱絲繩九解

阿夫還入門不復見故妻生既為同衾死當携手歸十解

懷古詩三篇

魯仲連陂

七雄既龍鬪陳寶歸秦師出函谷關六國咸逡巡邯  
鄲日夜急咄嗟誰解紛蕩陰師既頓新衍謀豈倫先生  
畫奇策長揖平原君僕妾愧萬乘大義明君臣縱橫數  
千言顧卻虎狼軍功成不受賞飄然歸海垠蹈海既高  
義肆志寧辱身至今齊趙士倜儻希清塵我來古陂上  
遺祠蔓荒榛覽道竄蒼鼠天風吹白蘋緬懷田巴語景  
行政千春

顏斶墓

末世寡尚志薄俗希乘軒豈不貴纁帛形役神不全吾  
高顏夫子抗節藐齊宣鐘簴寧足論殿上呼王前晚食  
與安步詎以榮利遷監門良自賤趨士理亦賢俯仰二  
千載弔古悲荒阡墟墓絕樵採清風激頽頽古道邈難  
作悲哉東逝川

轔固里

漢初尚黃老儒術闇不章齊魯誕諸儒五經如載陽迺  
哉清河傳卓為羣倫倡抵掌論湯武大義非荒唐曲學  
誠孫弘微言詒后蒼訓詞列學官星日同琅琅我生睽  
千載桑梓寧異鄉寤寐思哲人流風一何長生慙齊魯

學私淑附師注

苦寒行

遠遊漁陽城飲馬滹沱濱河朔恒苦寒日夕風鳴悲悲  
風起廣塗霜霰凋人衣欲渡川無梁層冰何壘壘鳴梟  
鳴枯楊豺虎文路衢深谷多猿猱得食歡相追我行歲  
既晏十步八九迷他鄉少親故相逢知是誰憂愁鑠肌  
骨自顧顏鬢衰俛眎飛蓬根隨風時轉移我獨久伊鬱  
歲暮空徘徊寄語後來人遠遊不如歸

梁曰緝為言輞川雪中之游

少志愛山水夢想懷藍田終南西峯下水石餘清妍憶  
昔維摩詰于此曾挂冠揮手謝時輩草堂常晏眠輞水

遶舍下湖光明雲端繩牀間藥鎗清齋日蕭然春鷗漸  
矯翼夏木紛綿芊時尋名僧會自泛湖中船嘆息古人  
沒風物隨變遷仙令妙文筆慨然追昔賢積雪曜巖阪  
秀色曖林巒數里入谷口石流已澌澌水鳥相哀鳴雙  
垞渺人烟却登華子岡輞水猶淪漣花竹散已久亭館  
供諸天王裴沓千載丘壑亦凋殘來者復為誰斯言良  
足歎

慈仁寺雙松歌贈許天玉

我昔登泰山舉手攀秦松東南雲海幾千里夜懸日氣  
開鴻濛山人出山已三載復見金元雙樹在攫鬚石骨  
青銅姿古貌荒唐閱人代長夏蒼蒼秋氣深風來絕間  
蛟龍吟仙人五粒不可見但有玄鶴來往往飛陰森  
詰屈宛相向千曲盤擎氣初放一任支離拔地生那須  
天矯排雲上我來高枕石壇邊耳畔往往聞驚泉白日  
沉沉不到地颯然雷雨生空天煙色欲暝鐘復起雄談  
岸幘波濤駛千秋萬歲知者誰閩海奇人許夫子

洗象行

水闢蒼蒼柳陰碧寶馬流蘇紛絡繹日中傳呼洗象來  
玉河波射珊瑚赤須臾鉦鼓干雲霄萬夫聲寂如秋宵  
虎毛蠻奴踞象頂丘山不動何峩峩岸邊突兀二十四  
直下波濤若崩墜縱橫欲蹴龜鼈宅騰踏還成鷺鶴隊  
乍如昆明習鬪戰萬乘旌旗眼中見又如列陣昆陽城

雷雨行天神鬼驚奴子胡旋氣道壯忽沒中流狎巨浪  
掀波一躍萬人呼幡然卻出層霄上今年丞相收夜郎  
扶南盤況求王章遠隨方物貢天闕屹然立仗金階菊  
聖朝自不貴異物致此亦足威遐荒黃門鼓吹暮復動  
海立山移浩呼洶大秦師子多威神山林豈是天家珍

題趙澄仿王右丞羣峰飛雪圖

寒色冥冥下巖壑千峰萬峰雪初落瀑布無聲溪澗凍  
紅樹微茫敞孤閣閣中有客方縕袍當茲氣與蒼山高  
遙看飛鳥落何處如聞落木鳴東臯崖橫路斷少人跡  
稍見老樵下巖隙高低遠近一溪通晦明合沓千重隔  
右丞昔日居藍田山水落筆窮自然雪岡漁市盡高妙

纁瀨欹湖紛眼前此圖曾入宣和譜董巨荆關焉足數  
兵火相尋六百年玉躞金題幾更主雪江老筆妙入神  
臨摹古本幾亂真即教唐宋多能手未必常逢如此人

傳侯天馬歌

傳侯天馬身八尺風鬃卓立雙瞳方赤毛朱翼信龍種  
神姿磊落形昂藏來從流沙涉西極玉山之禾偶棲息  
意氣生能輕虎兕驍騰未屑循羈勒四蹄鳥爪如鋼鈎  
經過千里風颶颶虎身壯士控不得仰眴闇闊浮雲愁  
昔日湖南始征戰軍中驛騎號百萬此馬振鬣始一鳴  
歛如天上驚雷電一從罷戰歸中原三年不復從橐鞬  
漁陽落日下白草壯心更欲窮河源安得此馬飛上天

不須萬里遮窮邊即看郊祀陳天馬何減登歌太乙年  
抱琴歌為鄧露作

嶧陽之桐何牂牂緯以五絃發清商一彈再鼓儀鳳皇  
鳳凰不來芳我心悲抱琴而死子當告誰吁嗟琴芳當  
知之

宣和御墨枇杷圖歌

盧橘蒼蒼橫幹起故印依稀識天水風枝兩葉不關愁  
慘淡如披靖康史宣和文物剝風流繡褫錦蟬窮千秋  
畫學歲收五嶽觀圖書盡識太清樓盛衰轉瞬如飛電  
牟駝岡上絲刀箭紫筠花木摧為薪西風落日青城殿  
此本流離出禁庭過江千載歎飄零昔日興亡如在眼

還同麥飯哭冬青

夜經古城作

我行牛山下寒墟帶平楚不見齊王宮空城半禾黍  
踈星耿不明白楊夜深語

南園二首

曉起思園林昨夜西堂雨負杖眺前山初陽散平楚  
淥池萍始合芳樹禽文語庭戶寂無人慨然念終古  
夜雨襍花落衡門綠苔生誰能捉坐席共作林下行  
圓荷舒午景茂林含夕清歸禽赴斜照稅駕此山楹

雨夜與禮吉叔子

高館多梧桐微雨飛向夕清談不能寐入夜轉蕭索餘

香歌幽幌暗蟲響  
皆石夢破忽沉吟  
悵然越鄉客

與周量過訪茗文夜雨共宿

故人千里別春草  
萋已綠相思南雲端  
目盡東海曲復作  
帝城遊乘暇慰幽獨  
入門涼蟬鳴中庭多嘉木  
石徑生積陰蒼苔宛山谷  
坐久微風來雨聲樵深竹  
共有滄浪興復縱青山  
日良會誰能常今宵得同宿

贈勞山隱者

何許藏名地  
秦海上深半夜白  
日出風雨蒼龍吟  
靜侶行道處不聞樵  
採音清冷魚山梵  
寂莫成連琴曉就  
諸天食暝樓簷葡萄林  
因知安居法一契無生心  
我亦山中客悠悠悔陸沉

夜登燕子磯

渡江訪名山層巔到曛黑  
大江森欲動浩浩千里色  
把炬石燕飛燃犀潛蛟匿  
北望靈巖塔知是專諸邑  
悲慨下沾襟此意誰當識

宿弘濟寺晚登觀音巖眺望

擊楫凌滄洲投宿招提境  
入門優曇香聞鐘夜方永高  
枕聽濤聲層軒挹江影  
曉來微雨過紅葉滿高嶺憑闌  
見萬里雲物殊清迥長山去蜿蜒上流壓江鄆  
海門控金焦蒼烟翳朝景信美睇山川霸圖遍  
烟冷何如學無生抗跡雲峯頂

寄彭十羨門

蕭寺鐘殘時燕山霜落夜對牀語清夕流連不知罷落葉一紛飛離鴻遂南下澈浦近青山依稀見君舍

半山愛予寒江落潮之句為作圖愚山題詩其上

和答一首

我昨訪奇登燕磯澣墨深更遍巖壁拥蘿附葛不知險夜踏空江欲崩石掀髯作畫磈袁翁長歎題詩宛陵客何當結屋圖中居卧看江天落潮白

吳季子祠下作

我行延陵城懷古心蕘結讓德邈已遠流風緬曩招州來季當立高懷寧詎屑躬畊表遐志亮哉子臧節慕義永無窮穹碑字難滅所悲於潛後國亂相更迭伍胥進勇士專諸踐王血遜位固高義復命忍臣列者秋不名賢書札理當晰嗚呼三代後斯風久淪絕廉節起頑懦尚論義常竊縞紵思古人空祠颯寒雪

毘陵歸舟

泊船西蠡河解繩東城路涼月淡孤舟遙村隱紅樹杳杳暮歸人悠悠渡江去

招隱寺

荀輿越黃鶴連岡帶平楚歷歷南朝松風吹落寒雨石楠紅始垂沙泉碧方吐遂造戴公山風氣何清古山門映殘照雙泉咽寒嶼玉蕊不復見空亭閉荒塢戴公昔通隱風流照巖戶漱泉彈名琴東巡動人主清風一銷

歇初地留空宇金碧漸凋殘林壑自清舉蕭條黃葉落  
寂歷幽禽語迴澗起涼吹經堂罷齋鼓繙想剡中人蒼  
茫久延佇

自招隱登夾山入竹林寺

籃輿俯高嶺石磴轉幽谷諸峯亂空翠澄江疊輕縠廻  
望戴公宅秋氣益蒼肅紺壁隱奇杉危亭蔽荒竹孤僧  
遠獨歸山鳥暮相逐樹杪見古寺松栝散林麓絕壁尚  
千尋紆逕非一曲初蠟阮公屐逝將訪金粟暝坐竹林  
深山山靜寒綠

竹林寺

迢迢夾山道幽幽竹林寺林公闢山靈泉澗饒古意鐘  
磬聞諸天花藥覆平地森梢萬竿竹烟景滿空翠慙鳥  
識禪心清猿起愁思平生江海情蕭然但高寄回首禮  
白雲何時謝塵累

林臯和尚塔院觀林公泉

祖堂白雲裏岩巖俯林樾昔人不可見巖桂花猶發惟  
有林公泉涓涓漾明月

海門歌

岷峨東下江水長遠從井絡來吳鄉奔濤萬里始一曲  
古之天塹維朱方北界中原壯南紀魚龍日月相迴翔  
中流一島號浮玉登高眺遠何茫茫長空飛鳥去不盡  
江海一氣同青蒼山外兩峯遠奇絕雙闕屹立天中央

左江右海辨雲氣如為八裔分紀疆江流到此一縛束  
早潮晚汐無停罋峩舸大艦來汪洋胡豆洲前起烽火  
年來海戍未停罋峩舸大艦來汪洋胡豆洲前起烽火  
徒兒浦上披禰襦古聞京口兵可用寄奴一去天蒼涼  
我願此山障江海七閩百粵為隄防作歌大醉卧巖石  
起看江月流清光

上方寺訪東坡先生石刻詩次韻

昔出蜀岡道黃葉鳴秋蟬今來上方寺綠萼破春烟坦  
步寶帶側延眺隋城巔古刹龍象寂殘碣蛛絲懸緬思  
峩人文采真神仙贈詩曰南使賓佐皆豪賢邈然竟  
終古漱墨留春泉老筆欲飛動妙態殊便娟空堂響昔人  
語怖鷁飛聯翩後遊慨今昔憑弔當同然有某  
甘露寺有宋吳琚題  
炳曰天下第一江山

京江夜雪

揚子津邊揚片席暮角聲傳京口驛北風一夜江上寒  
鴻鶴山頭雪幾尺去年曾上春秋樓蘆花楓葉當清秋  
何當踏雪三山頂第一江山萬里流

甘露寺有宋吳琚題  
炳曰天下第一江山

丹徒行弔宋武帝

曲阿之北京口東寄奴王者真英雄新洲伐荻殺龍子  
大業遂建丹徒宮桓家小兒亂天紀投袂勤王夜中起  
擣蒲百萬皆人豪龍行虎步非凡理從茲大運屬彭城  
中原趙魏歸經營破口千軍五龍涸藍田一戰二靖平  
南北推移幾千載太息雄圖竟何在宿麥寒原少昔人

神鴉社鼓成空塞王氣銷殘帝宅荒悠悠江水不勝長  
忠臣徒歎袁開府天命還歸蕭建康

五人墓

流連虎阜遊宛轉山塘路石門映迴波英靈此中聚滿  
壇松桂陰落日青楓樹生傷伍胥潮死近要離墓千秋  
忠介墳鬼雄誓相赴酌酒拂蒼碑寒鴉自來去

自光福里入太湖口往聖恩寺

扁舟下西崦森森入湖口逶迤鄧尉山蒼茫具區藪南  
來仙靈窟袁墓號稱首銅井連青芝雲錦張左右七十  
有二峯遙矚皆培塿貝闕敞魚龍金庭開戶牖仙壇毛  
公蛻 古芟靈威守名境祕聞見勝遊信非偶竚崿時合

沓龍氣殊妙繆擊楫泝空明濯纓遠塵垢將來萬峰寺

半偈持苔帚

還元閣聽雨懷太湖

冥冥遙峯雨點點重湖雲萬壑急懸溜颯沓聽難分山  
中梅信發香色方氤氳已蠟阮生屐將墊林宗巾身卧  
百尺樓心憶五湖濱笠澤渺千里漁邨襍鷗羣園綺緬  
匪遙逝當返吾真

雨中尋米堆山

僧樓鳴鐘罷徘徊向山路遠眺米堆山蒼蒼積烟霧溪  
澗窅然深岡巒緬非故千重修竹林一徑江梅樹花香  
上寒衲石流溼芒屨山靄接湖雲日夕自來去迢迢五

雲洞欲問誅茅處

自米堆山下行至上陽村錢家磽望湖中漁洋法

華諸山

杖策信忘疲行行盡圖裏崎嶇下雲壑蒼茫望烟水石  
徑何盤紜踈籬照梅蕊寥落重湖濱紫門數家市居人  
太古風但解數雞豕語我種植法敦樸有奇理雖非角  
里儔頗謂桃源比逶迤到湖濱浩渺觀止震澤控三  
江波瀾此方始法華表東陲漁洋正相似烟雨春空濛  
峰巒暮倣詭昨朝梵天閣遠眺如隱几豈知方丈山忽  
落芒鞶底欲乞五湖長垂釣將已矣

晚坐雨花橋看梅

寒湖望已遠迢迢暮歸寺修竹隱山門金碧眩空翠清  
溪枕飛梁花氣增明媚綠萼紛競發翠羽時一至拈花  
悟禪心作賦識仙意高低垂縫條明滅見湖次縹緲吹  
笙人消搖布金地微微蓮華漏蕭然遠塵思

登光福塔望穹窿靈巖諸山懷古

昨登擅勝閣遙遙見湖濱聚沙羈高妙珠露高由旬山  
趾理歸棹中流望嶙峋鈴鐸天際語獮象雲中蹲攬衣  
造峯頂大千俯微塵悟彼解脫義得此清淨身名山繚  
四隅出沒媚烟晨眺遠跡方遐懷古情彌辛采香已荒  
徑菱歌尚含顰館娃一片石千載為沾巾廻身望胥口  
落日悲孤臣

第二泉和涪翁韻

春山細雨三人俱藤箋親携桑苧書縛亭梵石幾年事  
至今浣浴噴明珠山人形癯味道腴九鴟不老將焉如  
軍持銅鉢此生畢買田即傍芙蓉湖

木末亭作

曉登木末亭南望新林浦烟嵐紛四圍三山渺何許旭  
日麗飛甍雲物媚晴淑風景在江山離宮半禾黍顧瞻  
金川門悲來不能語惟餘博士祠正氣留終古

守風燕子磯

刁驥夜雨打吳榜三日南風燕子磯安得滄波如匹練  
便乘輕舸去翻飛長江巨石想飛動漁燈戍鼓相因依  
極霞咫尺不能到白下古城春又歸

憶虎丘鶴澗

清遠道士養鶴處人去亭空鶴不飛千古清冷一勺水  
至今猶浸白蓮磯昔遊曾記仙靈語奇絕白雲翁欲歸

白雲翁欲歸青松忽  
消半清遠道士詩也

和吳淵穎題錢舜舉張麗華侍女汲井圖

景陽樓上鐘聲止結綺閣中美人起百花溼露啼宮鴉  
廩廬曉汲銀河水黃奴慵起倚隱囊瓊枝璧月文輝光  
貴人夾坐詩先就狎客擘牋歡未央玉樹歌闌方競媚  
桃葉山前陳鐵騎青龍飛出建陽門羣鳥空呼奈何帝  
可憐拂檻曉粧時入井倉皇那得知千載畫圖猶省識

石欄紅波馳胭脂

和吳淵穎題袁子仁巴船出峽圖

桃花夜汎三川水蜀中估船日千里錦官城外指東吳  
萬里行當自茲始金牛玉壘向天開朝雲突兀瞿唐堆  
飛流一瞬下萬仞長年屏息顏如灰峽中無人但煙霧  
杜宇聲悲客行處巴巫迎神歌竹枝忽見雲安郭邊樹  
上峽懸橦下安流東風吹送江陵舟卻從一幅鶯溪上

鬚鬚三刀夢益州

葉訥菴自吳中寄予長歌兼示金山見憶之作奉

答

昔者我登浮玉山大江駭浪流潺漫悵峨萬里在眼底

荆門郢樹浮盃間彭城蘭陵一朝盡令我慨歎愁心顏  
此時側望天北極漁陽莽蕩連雄關玉堂美人侍帝側  
兩年不見飛鴻翼海內憑誰論素心夢裏思君見顏色  
蒼梧慘淡雲氣深九疑縣邈瀟湘陰重瞳南巡忽寐莫  
園花陵草俱沾襟聞道高陵變深谷即看碧海飛黃塵  
雲霄侍從幾人在飛蓬落葉愁春心夫子盛年何婉孌  
日夕含香玉皇殿衆中獻賦欲凌雲御前騎馬如飛電  
即今蕉萃百不如落拓江湖復相見吁嗟哉人生遇合  
亦偶然雄飛雌伏皆可憐不見東方曼倩號大隱金門  
據地歌向天又不見開元天子盛文藻隴西王孫稱謫  
仙調羹未罷夜郎謫至今青山采石垂千年君家况近

崑山麓二陸臺邊結茅屋放鶴朝從西廩歸采蓴夜向  
南湖宿感遇終懷國士恩憂時莫效長沙哭三山圖畫  
一江分何日題詩共夕曛妙高臺上江如練南望姑蘇  
是白雲

秋日題閔園水亭

南人習烟水結屋如舫居真州水木多城市通樵漁一  
溪納三江潮汐相盈虛茆亭碧溪上浦漱臨前除曉風  
斷蒲響夜露幽花舒孤雲散天末好鳥鳴午餘緬懷華  
林歎持此謝簪裾

同楊西印副使蔡齡若秀才夜登觀音山眺曲阿

後湖

我昨南渡登金焦鯨魚跋浪生風濤更上君山俯震澤  
長江萬里窮秋毫五日探奇興不盡曲阿城畔來登高  
觀音山高高百丈星辰羅列捫層霄懸崖絕磴挂猿臂  
崇巒疊嶂森松毛山巔作亭瞰飛鳥湖光山色相週遭  
練湖一萬六千頃勢與江海爭迨遙淵注渟著古所歎  
滄桑磨滅非前朝風景不異謝郎死我來憑眺凌寒宵  
長嘯空山谷鬼驚飛鷗鶻求其曹滄波混茫接元氣  
有如孟水浮堂坳冰夷擊鼓百靈集金支翠羽光飄搖  
是時月黑風怒號萬弩突射錢塘潮蛟龍鬱鬱時隱現  
靈胥慘澹天吳驕高巖長山互鈎帶六州一氣迴斗杓  
楊公斬黃昔開府坐清江漢真人豪蔡生白皙美無度

頗能飲酒歌離騷東吳蓴蘆有君輩力鞭巨石驅神龍  
練塘一勺好極托結隣未卜心空勞酒闌歌罷意惆悵

烟江明日橫輕舠

九日與方爾止黃心甫鄒訂士盛珍示集平山堂  
送方黃二子赴青州謁周侍郎

西風蕭蕭天雨霜秋高木落當重陽鶴鳩先鳴蕙芳歇  
雁門鴻雁來何方今我不樂出行邁西城近對平山堂  
歐公風流已黃土舊遊寐莫風烟蒼喬木修竹無復在  
荒蕪斷隴棲牛羊劉蕡蘇到日已陳跡况復清淺論滄  
桑京江南望流湯湯北固山高枕鐵甕蕭公旌旆何飛  
楊雲龍直北雲茫茫彭城戲馬營高宴至今邊朔傳名

章孤蓬驚沙振叢薄衣裳草縷雷塘從求王霸已如  
此牛山何必霑衣裳與君並坐但鼓瑟醉倒聊復呼葛  
彊樽前聚散況難必羽聲變徵何激昂明朝送汝望諸  
澤欲趁桓公作急裝

登文游臺

玻瓈江上謫仙人東來萬里辭峨岷熙寧元豐不得意  
翩然戲弄淮南春龍圖學士孫莘老忤權要祥符宰相餘王  
孫王定國黃樓一賦軼宋無雙國士推髯秦少游四公相逢  
向淮海酒酣耳熱氣益振珠湖三十六陂澤高臺下瞰  
何嶙峋錦繡詩篇照天地與臺光景長鮮新雲烟過眼  
一飛鳥黃河曲注江東奔人民城郭半還改此臺屹立

當湖濱惠州。儋耳垂萬死。後生望古傷吟冤。何人請籍元祐黨。至今此顙慙。安民豈如此。臺好名字永絕孤鼠菱。荆榛我來遊。眺歲幾度溪。毛明信古所。敦遠帆如鳥。樹如蘚。湖光雲霧相摩呑。巖冬沆瀣但一氣。大雪片片鋪。龍鱗醉公一語公。莫嗔作詩一笑君。應聞未即坡公題  
太白像語

過汜光湖懷古

嗚呼正德中。嬖豎隳皇綱。華容既遐謫。劉謝咸高翔。談笑誅刑餘。臺閣資文襄。逆濠睨神器。弄兵下鄱陽。勢異北平順跡同。吳濞狂桓桓。文成公將帥。皆龍驤義旗出。章貢狡童旋已亡。如何萬乘尊。南巡來建康。羅綺照江水。姝麗傾淮揚。誰賡白雲謠。載詠黃竹草。茲湖兩駐蹕

名因翠華長。龍舸與鳳船。樂哉方未央。膠舟古所戒。遺恨憐昭王。事徃二百年。寒波但菰蒩。月暗津鼓急。楓落漁燈涼。緬懷豫且歎。弔古重悲傷。至今泰陵樹。松柏無斧折。

斧折

夜遇陳伯璣即別

聞君返西江。崎嶇歲將暮。不知秋浦歸。復此吳陵遇。煙暝失漁邨。雪消數江樹。惆悵聞荒雞。別君立前渡。

蘇門行寄劉公載兼呈孫鍾元先生

劉生俠氣老不除。腰間玉具纓。曼胡目送飛鴻。卧西省畫夢。秋水思菰蒲。掉頭一竿清。頰尾琉璃萬頃堆西湖。憶昨聽爾御風捲。山泉抉溜松風呼。黃鵠山頭一握手。

卷之三

三

戴公往蹟今有無山中舊約息壤在相看一笑言非疎

舊在京師聽公戲彈御風操贈詩有與君更作他年約黃鵠山頭訪戴行之句壬寅果相遇黃鵠山下此事甚奇

渡酒酣夜別黃公壚平山堂上望汝賴恨無好句追歐

蘇昔與汪琬程可則共槃礴看君寫作蘇門圖恠石槎枒

樹蕭瑟醉墨絕似雲林迂嘯臺鸞鳳儼在耳安知嵇阮  
非吾徒聞君近散萬金盡便衣掃塔辭妻孥山中有鄰  
德不孤蘇門先生今大儒夏峯邨邊看秋瀑雲中鬚髯  
開精廬尋源采藥去不返空留鳥跡巖間書廣陵西望  
連孟諸倘逢樵叟一相訊山中服食今何如

甓湖舟夜讀渭南集偶題長句

少陵不作昌黎死大峨仙入落儋耳渭南老子來堂堂

轡律蛟龍蟠筆底半世功名梁益間拓弦橫稍鯨門開

白頭鏡水江湖夢夜夜山南射虎還

陸放翁心太平菴硯歌為畢通州賦

斌媧散花峽艱危道士磈放翁過此留清辭何年片石  
墮寥沈龍堂荒忽蟠蛟螭先生當年西入蜀迎風十丈  
搴黃旗下牢夔門波浪惡白鹽赤甲天下奇轉入興元  
瞰河渭山南射虎黃雲垂大散關頭見烽火賦詩草檄  
如星馳此硯爾時伴戎幕賢於十萬熊羆肺鷺花海中  
九年住春江醉捲千玻瓈錦官城裏蘋風閣百觴萬首  
爭淋漓此硯爾時劍高譙飽霜千兔相追飛先生老矣  
竟東下鏡湖支枕看風漪但餘此硯共幽獨猶能起賦

從軍詩紹興淳熙一片石流傳異代誰使之曾窮梁益  
掠吳楚故翁金崖  
硯銘中語吾曹想像空嗟咨畢侯家近巒堂側草  
生書帶紛葳蕤劍南一卷不離手興來春日吟茅茨携  
渠歸去坐懷古定有雲霞生墨池

卞忠貞公墓下作

松柏何蕭蕭云是卞公墓背踞冶城顛前臨大桁路緬  
昔永嘉時流人競南渡舉國扇清言作達相矜慕惟公  
執鄙吝囂囂畏峰距一朝荒僉來旌飛歷陽樹取節慚  
王公種薤笑諸庾堂堂卞將軍授命青溪渡父子忠孝  
俱大節光國步快意溫平南屢及雷池戍一戰翦長鯨  
鐘簴仍如故握手識忠貞死綏表風素英爽載雲旗陟

降神靈雨咫尺來司徒異代同金鑄

宿長干寺

支公邀我宿清夜開南軒龕燈照維摩趺寂無言下  
簾啓北牖山夕烟景昏中夜微風作涼雨灑林園宿鳥  
稍驚起時聞嘉樹喧枕簟生夕涼鑪香歇微溫勞生疲  
津梁聊息應對煩

六朝松石歌贈鄧簡討

壽陽太史好奇古邀我來觀六朝之松石不辭重摵一  
角巾此生當著幾兩屐入門大叫走欲顛袍笏淋漓狂  
太劇蟠根近連瓦官寺吹香正鄰虎頭宅蒼皮黛色磨  
青銅老幹樛枝拓金戟蕭梢上摩白日暗輪囷下瞰蒼

烟積千年為磬誰得見已有脂香化靈珀石勢嶙峋不  
相讓元氣盤盤絕繩尺蒼苔剝盡南宋字劫火不受陳  
宮厄陳琳寶三品石終南太華若在咫尺壺中苦崩迫誰遣史  
書宋星隕將無神受秦鞭斥晦冥豈非鬼物庭風雨當  
防巨靈擘王謝衣冠失江左齊梁人代成今昔建康宮  
殿幾青燐此石此松閑朝夕一物亦荷皇天慈懷古茫茫  
百憂集擊琴欲罷且高吟謾謾寒風灑巾幘

金陵曉發

月落驃騎航潮生鎮西宅濛濛遠林樹烟景紛如積煙  
際下漁舟樹杪帶行客何處金陵思秋江蓆花白

陳生行戲送其年歸陽羨

陳生陳生爾既不能入淵斬長蛟又不能登山射猛虎  
復不能亡賴作橫苦鄉里十載哦詩守環堵徒抱輪囷  
一片心藜藿鼯鼴相枝柱昨日渡江來今復渡江歸運  
租船上苦憔悴風高浪湧橫江磯朝來寄我新詞句明  
月無情蟬鬢去五湖歸去伴漁竿楓岸蘆汀不知處季  
鷹鱸鱠思江東我亦年年嘆轉蓬期汝扁舟同射鴨銅

官山下竹枝弓

江上讀韋詩

彈琴向空江夜靜見江月水波正遙裔河漢坐超忽五  
絃泛波濤餘音散林樾沙邊鶴唳遠烟中人語歇何處  
楚山青孤帆遠將沒獨有韋公詩依依伴清絕

米書金卷一  
蕭尺木楚詞圖畫歌

大江秋老歌離騷江波瑟瑟風刁刁恠石龍巒壁崩濤  
猩猩歎雨悲猿猱楚纍一去二千載使我後死心勞忉  
齧桑敗盟西帝驕商於六百橫相要武關一入不復返  
章華臺殿生蓬蒿江潭憔悴子蘭怒蛾眉謠詠羌安逃  
長楸龍門望不見木蘭桂樹棲鴟梟駢驥不御愁跕跳  
葉施蘿紫綵申椒呵壁荒唐罷天問沅湘西逝冤難招  
蕭梁王孫筆俛僑攀挈顧陸提僧繇丹點粉點寫此本  
墨花怒捲湘江潮湘君夫人降荒忽國殤山鬼來蕭颯  
青楓斑竹染啼血靈風神雨紛颺飄酒闌歌罷老蛟泣  
星辰逆落江天高

宿弘濟寺

名藍敞積翠遙夜開禪關山半聞清鐘夢覺心亦閑飛  
雨灑江介流雲滿空山五載復投止塵勞慙昔顏

黃子久王叔明合作山水圖

有客示我七尺練云是黃王之合作粉墨駁蝕神淋漓  
巖谷高深氣盤礴長林巨壑來畏佳飛鳥流雲去寥廓  
空堂白晝生風霆飛灑千尋競噴薄老松撐空夜又臂  
恠石縱橫驚鶴啄石稜松鬢若無路忽向青冥得樓閣  
峭壁無梯猿臂絕天外孤茅誰所縛滿堂動色神悄然  
題字依稀辨黃鶴吳興清遠鷗波亭家法賢甥宛如昨  
意正慘澹經營成范緩倪迂大張拓富春老人年九十

煙雲供養窮三樂扁舟訪舊雪川來偶從縹素論丘壑  
爲添樵徑螺髻旋遠峰一角空中落遠人無日樹無枝  
妙解通靈失糟粕吳興富春幾百年此意天然殊斧鑿  
山人癖如阮宣子蠟屐猶堪代芒屩惜無劉尹買山錢  
苦向畫圖耽寂寞此中三日容坐卧便擬拂衣永棲託  
明年借汝春晝閑梅老無花竹生籜

漁洋山人精華錄卷一

門人監察御史崑峩盛符升國子祭酒江陰曹禾同訂

康熙三十九年五月十五日門人林佶謹書

男啟陳恭閱

漁洋山人精華錄卷一

門人僕官林佶編

古體詩

鑾江大雪歌寄家兄西樵

夜聞觱發曉灤澦衝寒四顧江天朗雲氣欲壓揚子津  
濤頭直突仙人掌平生愛雪勝瓊貝况復橫江發奇賞  
朔風獵獵犯貂裘急霰霏霏灑烏榜大澤蛇龍避寒蟻  
高天鶻鶻盤空響江南羣山張畫屏玉笏嶙峋裹百犬  
隔江心馳茅山洞咫尺波濤絕來往遙憶茅家好兄弟  
驂鸞騎鶴三峯上學仙不能且學劒耳後風生致慨慷  
西郊大道接符離霹靂鳴弓穿宿莽玉跕神騮氣清峻  
金毛胡鷹颯蕭爽雄狐狡兔那得避雨血風毛灑原壤

橫吹聲中歌竟病據鞍盤稍真吾黨歸來一笑卧煙篷  
浙浙江風吹五兩

南將軍廟行

在泗州南公  
霽雲乞師處

范陽戰鼓如轟雷東都已破潼關開山東大半為賊守  
常山平原安在哉睢陽獨遏江淮勢義激諸軍動天地  
時危戰苦陣雲深裂骯不見官軍至誰與健者南將軍  
包胥一哭通風雲抽矢誓讐已慷慨拔劒隨指何躋峋  
賀蘭未滅將軍死嗚呼南八真男子中丞侍郎同日亡  
碧血瀾斑照青史淮山峩峩淮水深廟門遙對青楓林  
行人下馬拜秋色一曲淋鈴萬古心

家兄信宿焦山有寄

聞君游松寥託宿招提境佇待江湖生茶香酒初醒松  
風流夕梵蘿月散清影暝坐歸鳥稀晚飯鐘魚靜昔遊  
不可忘夢向焦仙嶺

焦山古鼎詩同西樵賦

曉入枯木堂恠禽驚翩翩清露滴松杪下見古鼎蹲寶  
光耀昆吾中有飛廉魂上文為雷回下文為雲紜獮狀  
饕餮伏兵氣蚩尤昏辛壬與丁甲世次迷夏殷初疑周  
虎彝復惑虞雖尊後不可辨牛豕誰能論瑰怪壓讐  
鼎譎詭旅紀虧蛟龍雜蝌蚪五指不敢柵在胙想履鼎  
識字驚蜒蛻月黑鬼神泣峽束波濤奔籀書失趣遞斯  
篆椎窺軒史游久已歿皇象不復存不遇博雅流孰為

洗煩寃諒比岐陽狩或同泗水淪山僧與道古感激聲  
還吞分宜昔枋國氣勢傾崑崙斯鼎出京口上燭光網  
緼役使萬指衆負戴千蹄健大哉宗廟器詎屑豪貴門  
威力鎮禪窟寂寞歸祇洹午夜鳴鐘魚清晝啼林猿閑  
人恒沙劫如彼蟲在禪我昔訪焦先望氣齡不言五年  
隔揚子無翮思騰騫吾兄癖好古八書探河源三日松  
寥游坐卧忘蹠喧扁列析螺書卷尾搜蠻文作為奇偉  
辭大海搏鵬鯤春江壯風霆響激雲濤渾三嘆繼高唱  
海門上朝暾

送家兄同無言遊吳越二首

挂帆指吳會雲水空蒙間上已美風景登臨散襟頽相

湖尊正滑應上蕭然山共訪金庭宅淹留殊未還  
吾家王吏部江左有高名五字論詩品陰何欲比清偶  
恩鏡湖好忽作剡中行輸爾天都子逍遙訪赤城

上已辟疆招同邵潛夫陳其年修禊水繪園八首

前年曾到湘中閣閣外天寒水方落西風颯颯猿啾啾  
惜別懷君芳杜若今來三月青春深語溪窈窕桃花林  
為君一曲答欸乃寫作雲山韶濩音

碧琉璃上雙玉壺蘭橈宛轉沿春蕪未傳洛下羊酪法  
且醉淮南櫻筍厨射雉城中煙景暮流鶯喚人且須住  
回頭笑謝襄陽兒詎可搖鞭背花去

平山堂下五清明甲辰紅橋賦治春旬也草長鶯飛無限情不怪老

顛梨風景名園上日相逢迎銀箏初彈阮初摩此夕留  
髡應十石春衣明歲杜陵遊憶汝狂歌拓金戟  
西豪里中訪老友况復陳生與我厚辟疆園敞羅羣賢  
大兒小兒唱銅斗烟際鷺鷺一隻飛吳歌水調欲沾衣  
風光如此不成醉帽影鞭絲何處歸

陳公家近畧畫溪溪邊花草令人迷離墨山中一宵雨  
竹雞白鶲相應啼先生大隱隱城市萬壑千巖窗戶裏  
花朝已過上已來日坐蜻蛉釣沙尾

迴溪綠淨不可唾碧蘿陰中棹船過落花游絲春晝闊  
獨許先生此高卧劇憐風物共披襟蕭然絲竹皆清音

永和三日今千載坐使清風滿竹林

時出文衡山

暮春三月為水樂棠梨葉大山禽啼田家社酒壓缸面  
雪白橙香玉練槌夜聽醉頭滴春雨曉報提壺如潑乳  
醉鄉大戶百分空起喚花奴自撾鼓

詒研一徑略約紅地肺疑與朱陵通沅湘春水蒲桃綠  
江蘿蘭杜愁烟空主人少年登嶽蘿祝融峰頭樂迴宿  
七十二峯羅戶庭日汲湘潭然湘竹

再泛水繪園看月作二首

林塘自幽映況復清夜月輕舟漾浦澈習習涼颸發竹  
深禽響亂徑僻人踪滅島嶼已千尋川涂更百折月影  
散水木光景紛奇絕孤蓬泊煙霜澄懷抱冰雪我有素  
心友掩關事禪悅啾啾日消散觀道離言說示我秋水

篇邈然寄渺沈遠寺傳鐘魚空山鳴蜻蚓流連印渚游  
惆悵林中別

修林帶高館巖壑相因依水波澹瀟照雲霞收夕霏遙  
遙暝色來肅肅沙鳥飛永懷謝希逸望古歎知希斯人  
不可作乘月扣舷歸

雨夜懷其年園居

久客春向暮歡游罷不適孤館歇清漏卧聞春雨滴暗  
蛩吟幽草寒燈耿虛壁念我同心人咫尺何由覲雨聲  
湖上來蕭條散蘆荻此時掩關卧應聽林間笛

雨登湘中閣眺望

廣望臨清湘楚天夜來雨命僕連江朝空蒙散州晉  
危溼不飛墟落遠堪數漁楠泊迴谿停橈飯孤嶼不見

烟中人但聞烟中語

詠史小樂府二十四首

望望北邙坂黃蒿長似人夜來螢火暗失路小平津  
欲得卿曹拜何妨破產求蒲桃原不惡一斛博涼州  
長揖橫刀出將軍一代雄頭顱行萬里失計殺田豐  
祝劖復祝劖君聽羖羶歌瓜廬方一畝漢臘此中多  
生女不如男所論非英雄不見寵娥親殺人都亭中  
太息王髦劖前年殺孔融曾言赦雍齒地下愧袁公  
一作崩城操三軍且莫哀丹楊使君婦襄經報讎來  
可憐卿慚長陳德何涼薄不及朗陵公猶有荀文若

子義來江左青州名士稀丈夫死知已枉用寄當歸  
將相江東美英風壓上流魯公最忠烈慷慨借荊州  
猢兒健如虎高步跨江東孝廉殊斌媚人說紫髯公  
腹痛思前事分香惑後人二喬得佳婿不是洛川神  
赤壁戰堂堂綸巾繡衲襠元戎在何許顧曲有周郎  
濡須高會日諸將在轅門醉袒貂裘看斑斑刀箭痕  
龍鳳全歸漢三分指掌中惜哉誰城戰失此半英雄  
魯國真男子關西社稷臣阿瞞渾自可滿寵爾何人  
大義韓國賊吾欽趙順平寧須法孝直方可制東征  
足堪加帝股故態笑狂奴何如朱盪寇直捋大王鬚  
邴管持風節高名合作龍何人工賣國老竊博平封

費公能辦賊嚴駕且園棋賭墅東山著風流自汝跡  
生乞步兵厨死埋陶家側一時兩酒人亦足張南北  
石馬來張掖公然大討曹可知北部尉典午啓塗高  
今年賜劍屢明年假黃鉞可憐青頭雞躡蹠不得發  
吳漢分龍虎終憐石子岡何如綿竹戰父子死堂堂

登天闕望金陵懷古

我登牛首山天闕何屢屢上造青雲端下瞰無端倪壯  
哉六朝都佳麗誠在茲龍虎氣盤鬱將相羅雄姿彌思  
赤烏年爰逮太元時五馬浮渡江一馬獨權奇桓桓始  
興公幕府陳軍麾懿此帝王宅雙闕衛京師青山似洛  
陽大江環四垂智力邈千載興廢如奕棋江山看不殊

俯仰自生悲壯眺元武湖蔣山虧蔽之博望峙西南列  
戍多旌旗時清異偏安憑弔將奚為落照橫江流萬里  
天風吹壯心不可已淚下如纏縻

龍潭登舟棲霞僧相送

昨朝山中雨惆悵中峯別回望上方人雲嵐但明滅龍  
潭復相送江晚潮如雪濶濶巖際風皎皎波間月世外  
本忘情幽懷無斷絕終卜僧紹鄰長茲味禪悅

淮北晚行寄廣陵故人

南風吹五兩淅淅乘潮便綠波蓮浦漲白露蘅皋遠稍  
看烟景夕窩師施樓飯不見廣陵人含淒詠江練

寄宗室九

東原讀書處夏水紛成結江潮門外落烟岫窗中列誰  
言謝公埭復作零陵別懷中園扇詩睞此清秋節

分賦得館娃宮送子吉編修歸吳

館娃宮中花藥紅美人白綺嬌春風館娃宮中烟草綠  
蝴蝶雙飛井欄宿回首穠華能幾時羨君一舸逐鷗夸  
五湖淼淼烟波闊何處黃金鑄范蠡

又賦得角里村


笠澤濛濛水烟夕細雨丹楓浪頭白先生去後幾千年  
角里之名今尚傳玉堂畫卧夢烟水郤挂扁舟尋角里  
我亦江湖舊散人尊鱸思逐秋風起

昭陽顧符稹畫棲道圖歌

顧生畫學李思訓尤工棧道兼驃綱丹青金碧妙銖黍  
近形遠勢窮毫芒褒斜山色一千里子規啼處烟蒼蒼  
女郎祠邊人跡絕但見哀猿連臂叫嘯青崖傍江水如  
油下南鄭閣道似髮通陳倉紅擅裏背笠覆首人物結  
束裝唐裝車馬班班入雲際如蟻緣垤相扶將秦川渭  
水望不到蠶叢直上天茫茫仰家扇子冰雪色一莖斑  
竹磨瀟湘如何方寸懷衷裏宛然置我蜀道青天長揚  
一益二古天險譙周萬國謀非臧阿瞞四紀作天子青  
驃西幸何奢皇三十年來蜀道塞況從古史論興亡因  
君妙蹟發遙慨如聽鈴聲替戾岡

送陶李之路州

先生昔日登武夷鐵船峰頭看奕棋中冠離文三百顆  
酒酣自嬖輕紅肌峰頭爛睡忘甲子坐笑曾孫生白鬚  
張帆伐鼓下黃鶴欲濫三湘窮九疑披襟蘭臺發高唱  
快哉不辨風雄雌平生名岳屐齒遍風塵京雒嗟衣綺  
投我奇文浩千頃蛟龍大澤纏蹉跎謂我四海一知己  
譬若莊休從惠施高齋茗飲坐清晝風爐活火分榦棋  
我時無事似犀首酒鱗浮動銀留犁豐臺紅藥花照眼  
驥駒忽告將西馳壯心猶作驥伏櫪適志無如泥曳龜  
我聞上黨天下脊當年潛邱傳臨淄飛龍荒宮沒烟莽  
斷碣髡鬚開元詞紛紛梁晉夾河戰鷗兒萬騎陳軍麾  
錦囊負矢盛意氣歌聲慷慨留三垂時平不用弓箭手



空老昭義千熊羆戰場下馬問亭長鬼燐颯颯寒飈吹  
君家草堂臨射陂門前五柳藏東籬何時單舸徑歸去  
北窗高枕談黃羲

送朱秋崖歸安宜兼訊陳冰壑

北平太守老不封身經百戰鬪強弓平陵岸頭爾何物  
李蔡為人居下中昔者應侯未入秦折脅搘齒難為容  
一朝西行取相印故人馬食何匆匆丈夫不遇且蓬累  
古來雄俊將無同愛汝朱干草堂好甓社湖北如吳淞  
釣船春入鰣菜市紫門晝掩菰蒲藂據梧時復同惠子  
上冢聊爾隨龐公當年我作淮南客落帆屢及桃花紅

兒童習見鶩鴨熟濁鶻為我來牆東此那佳士復有樂

稍從湖海知元龍唱于唱喝樂復樂大湖漠漠來天風  
自別淮南老鞍馬筆墨蕭颯如秋蓬眼明乍喜故交至  
劇談往往連晨鍾聞君此行意惝恍五湖春水磨青銅  
夢隨白鷗沒浩蕩覺來自送南飛鴻歸逢陳鈺相問訊  
余方袴褶騎黃驥

送周量同梁芝五游西山

西山香山妙無比一道飛泉萬松裏馬曹自矜能柱笏  
不知落汝芒鞚底猢猻藤子青銅堅為汝一日窮緣攀  
遙想空山下風露嗒然坐對開禪關

膠東張雉畫葛洪移家圖歌

下簾臥清晝遠夢生羅浮覺來北堂上素練橫澹洲依

稀三萬六千丈風吹絕壑紅泉流何人攜持襍負戴全  
家避地來山幽先生身騎烏特牛丹雞白犬隨行輶鮑  
家小女兩丫髻手把芙蓉居上頭惠懷之際那可道萬  
乘不洗金墉羞王家寧馨失三窟華亭鶴唳悲清秋回  
首銅驅洛陽陌名士對泣新亭因伏波將軍不受賞丹  
砂欲就來文州大鵬詎可伍鷁鷀跋鼈坐笑追驛騮張  
生妙筆擅黔陬令我逸興生丹丘夙昔讀書慕仙意望  
而不見中心愁十年婚宦願粗畢青鞚快作逍遙遊刀  
圭為我留井竈此生未作坳堂舟

送同年袁秋水僉事覲事畢歸甘州

白馬黃金柑爛變丹心邊疆河西四郡天萬里中分弱水

臨河湟漢家天子重邊冊大開狼狽連燉煌陽關以西  
盡亭障屬國一氣通諸羌遠求汗血歷絕域玉門使者  
遙相望輪臺之悔復何補弛刑十萬空雄張苜蓿離宮  
待天馬蒲桃大郡酬伊涼至今祁連古邊塞控弦士馬  
多精強衙帳雲屯襍回鶻部落星散延燒當當年武皇  
用兵處傳烽高竝天山長祭酒布衣諸生耳虎頭食肉  
何昂藏紅鹽池邊開幕府羌女如花羅酒漿安西都護  
受咸事戊己校尉停秋防使君能令金作粟使君能使  
馬如羊使君今且為急裝還報天子開明堂特賜安  
車圖未央五星歲歲臨東方

傳經堂歌送卓永瞻歸浙西因寄火傳

中原喪亂連天崇鑿蹄驕馬嘶江東昭陵玉匣出隧道  
鴻都祕策飛秋蓬小作勝囊大帷蓋石經三體皆磨礪  
卓家世德不可紀侍郎謀國真公忠巢傾卵破悔不早  
曲突徙薪誰謂功革除事往三百載至今化碧千長虹  
聞孫抱經隱苕霅千秋人識梁丘宗清廟明堂列球貝  
深山大澤藏蛇龍我慕慈淵生苦晚晚及孫子相追從  
雄才能慮五石瓠大力欲挽千釣弓桓榮稽古累數世  
郎君人地將無同昭氏鼓琴有妙理誰云竟以文綸終  
至尊通經過漢代會開東觀臨三雍白虎諸儒考同異  
如懸大簾鏗洪鐘郎君攝衣作都講雅歌殿上何雍容  
黔夫窮經不得力坐使尹季傷瘠輒他年登堂問草向

五湖帆影隨樵風侍郎名故  
遜國名臣

述舊贈劉公戩吏部

昔在順治中天府羅文昌  至尊右儒術海寓盛詞章  
夫子起汝南高步翰墨場傑從稷下來意氣猶蹶張雲  
龍歛然合相逐共翹翔論文無羈嚅結交多老蒼四海  
得汪葛文程周量驥首同周行一臺稱二妙籍籍董王虬與梁  
昌緝璋射必有邸王巵豈無當窮秋八九月艸木萎以黃  
憑弔望諸君驅馬金臺菊風雲慘營平邊朔多嚴霜和  
歌猛虎行天地為低昂時序一以變良會誰能常君思  
頽西湖歸尋兩歐陽諸子亦星散各各之四方僕觀廣  
陵濤時上平山堂側聞清頽水嫩綠如瓜瓢小艇擬船

船往往破湖光別業寄蘓門水竹紛陂塘百里見黃華  
神工肆皴黻飛瀑下千尋灑落層冰涼熊岳所居處瑰  
異不可詳破納山水紋蕭然居士裝真江五馬渡暮雪  
天滄浪是時一握手泥飲傾千觴豈知十載別會合仍  
帝鄉羣公更翕集列宿森光芒翰林蔣虎臣與李湘北詆蕩  
排天闔亦有陳子端與吳玉隨鳳凰鳴鏘鏘雅歌出金石高  
論窮羲皇夫子正始音卓為羣倫倡僕忝龐公交時登  
元龍牀小春風氣佳晚菊有餘芳賓從會西園絃管羅  
東廂援毫申此詞勗哉母相忘

世祖章皇帝御畫渡水牛戲以指上螺紋成之賜中官

某臣從黃州通判臣宋華得觀恭賦一章

章皇握乾符武功輝蔚乎

齊

世祖

高

中

將

藝

勝

勝

勝

勝

圖籍泉壑窮窈窕烟雲羅幽蹟寶繪賜近臣往往等球

璧常從青箱堂

禮部尚書王公第

奎藻靚赫奕營丘及河陽到眼

堪一擲想見憂勤暇勝情寄山澤戲作渡水牛生態妙

盤辟肉怒垂星圓筋突陰虹直胆似滿黃鐘角堪扣白

石殫指九牛毛森疎如刻畫水波稍演迤浮鼻未沒脊

髮鬚綠楊風掩映春燕碧神武十八載文教洽重譯干

戈與弓矢包用黃牛革小雅賡宣王爾牛何濕濕旆旗

牧人夢考牧周官職應知翰墨餘與世登祚席龍髯去

已遠謳思徧荒僻雲漢爛天章典謨布方策聖主念

紹庭率由正無射小臣沐皇風流涕記飛白

為宋牧仲題林良宮娥望幸圖

杏華春水團宮纈  
宛宛鴦羣白于雪  
林良好手二百年  
犀軸飄零見奇絕  
太平內則徧閨襜  
宮漏迢迢響夜籜  
何處離宮三十六  
金羊空望竹枝鹽

送楊鄂州職方奉  
詔安南

于闐玉帶橫腰身猩紅袍盛金麒麟使者青霄下千仞  
旌節遙臨日南郡日南郡縣古交州唐家都護天南頭  
大長叩關奉朝請比于佩印為通侯咫尺高平亦王土  
誰使穴中鬪羣鼠要令萬里靖烽烟先見兩階列千羽  
楊郎意氣不可當談兵畫省神揚揚雄才常擬略邛笮  
壯心更欲規河湟此去烏蠻過銅柱曾是伏波用兵處

即看金馬獻彤旄不用飛鸞愁毒霧朝來袒帳城東門  
羣公冠蓋如雲屯虎頭食肉志亦得新婦帷車安足論  
送米紫來令建昌

南風吹船健如鶻一月飛渡西江灣名流正得山水窟  
雲中五老玉孱顏盡禪書聖兩無敵官閑潑墨東林間  
風流海岳菴中客直取廬山作硯山

晨起為錢宮聲題長橋烟雨圖

松枝塵尾壁角懸桃笙火出晝不眠長安五月旱太甚  
自郊徂宮空告虔昨宵新涼生枕簟五更簷溜聲奔泉  
大江萬里瀉春漲濤頭泛泛何溟溟豁如毛摯去酷吏  
身傳兩翮思騰騫坐憶江南此時節流水決決鳴稻田

錢郎打門送急遞鼠鬚煤尾交雲烟青松短壑妙結構  
高崖巨瀑紛鈎連長橋烟雨更奇絕空濛似欲無山川  
溼篷折疊縰掠水黃泥曲岸相夤緣江南舊遊入夢寐  
彷彿五湖春水船錢郎自號五湖長此圖日在衡門邊  
胡為欵段來長安披裘帶索履後穿我欲與君同扣舷  
青蓑箬笠隨長年詩成閣筆一笑粲簷前急雨衝洄漩

愁霖行

涪灘之歲陰氣凝愁霖不絕如貫組江星動搖陽景匿  
蝦虹閉藏潦霧增玄駒戴粒蟻封穴白蹢涉波豕出縉  
恢台變節百草死縱有紈扇須何曾立秋八日又七夕  
不見河鼓低玉繩肅時雨若苦燠若此事無乃非休徵  
今年災異亦太劇延慶早暭嗟頻仍太白失含畫不广  
白青夜見生芒稜左輔銅龍翻地軸川竭水涌騫高陵  
我讀劉向五行說天意人事如相乘溴梁之會書地震  
龍鬪于鄭深山崩吁嗟盛世詎有此胡為變易違其恒  
何時扶桑日東升重霾一掃天宇澄野人爛睡曲兩肱  
晨炊不復愁薪烝

送吳天章歸中條山

月始在房羣陰終凍禽塌翅啼酸風呂生置酒邀我飲  
清歌笑倚商玲瓏朝來宿醒卧未析吳郎告我歸河東  
北風雨雪滿天地層冰千里高穹窿行人駿瘞手指隣  
狐裘嗟汝胡蒙茸長安甲第高入天馬蹄動地聲隆隆

漿酒霍肉不足道金玉磊砢堆堂中汝詩千首文百軸  
洿塗未拔誰相通汝家王官谷中條青濛濛藤蘿相糾  
水相激至今猿鳥悲司空汝歸讀書甘菽哉致君堯舜  
會有日飛伏詎辯誰雌雄

雙劍行

絲退谷侍郎席上作其一魚腸其一有銘云吳季子之子承寶用劍凡九字

延陵季子不忘故千金之寶帶丘墓我聞此語餘千年  
何來虎氣騰重泉天精下觀罔兩伏雷公擊橐蛟龍纏  
古綠光射人爪皮出土爭新鮮錯落黃金書列星明滅  
蒼浪天五步殺一人易如削豚肩又有古魚腸形製殊  
蜿蜒貫甲洞胸不濡縷立戟交軋如浮烟幽州十月風  
折綿雪片隣地飛烏鳶是時看劍夜置酒快若渴驥奔

長川勾吳舊事足感激悲來清淚忽潺湲延陵已蹭蕕  
臧節誰令窟室生戈鋌太湖魚炙事亦逆蘿臺鹿走今  
誰憐鯉諸要離匹夫耳屬鏤之賜吾悲焉孫公八十目  
如電博古直擅歐劉前為公作歌驚四筵烏尾畢逋河  
漢懸燈明酒盡雪亦止回看劍氣相騰旋

雪中寄宗定九東原兼呈西樵先生

一冬不雪春融融江梅岸柳俱空濛黃袖衾暖睡初足  
起看窗紙何瞳曨蠻奴失喜縛雙弔走報玉戲勞天公  
開門三寸沒階砌拂空六出繁簾櫳舟膠浦凍人跡絕  
天色慘慘雲而風銅鑄筑響蟹眼沸地爐火爇獸炭紅  
故人昔寄東原圖漁灣窈窕橋梁通駛雪固佳霽亦好

艸堂正與圖中同蕭晨畫雪復好手能以粉墨摹虛空  
前年幽州大風雪馬毛如蝟鳴雕弓白檀山高鷹隼疾  
孤兔殺伐無留蹤故人再寄蕭郎畫寒江釣雪推烟蓬  
展看忽憶東原客醉吟禁體追賴翁適客江淮意不樂  
悵望百里無由逢何當苓簪挂驢背踏雪直過東原東

題施愚山賣船詩後

國家急廉吏將以風百寮如何十年來吏道紛吳教袁  
哉此下民鞭朴分安逃魯山與陽城斯人竟難招江西  
飽亂離白骨墳蓬蒿石田廢不治遺黎襍山魈一二老  
寡妻煢煢困征徭昔者數守令為政嚴風飄峻令盛誅  
求細不遺毗鄰金玉競輦致樂哉共宣驕憲府前上壽  
鞠胞一何勞公堂侮下民意氣一何豪寡妻哭向天血  
淚埋荒郊亂後幾子遺乃以資汝曹是時宛陵公持節  
吉臨交為政貴簡易潔已先清脩放衙苔蘚淨飛鳥營  
其巢賦詩彈子嶺慷慨同石壕白鹿與青牛斯道誰鼓  
橐公獨奮百世臯比陳唐堯廉恥存綱維義利窮毫毛  
蘭芷變荆棘孔鸞華鳴梟汝曹即不仁寧終肆闌虓七  
載一舸歸無物充官艘兩郡萬黔首留公但號咷讀公  
賣船詩中心何忉忉填膺抒此詞庶以備風謠他年常  
丹碑會見留江皋翹首望宇中烟火尚蕭條安得百施  
公為時激頑澆

吳歷修竹吾廬圖為汪季角題

留孤松終古不盈尺地僻山鬼鄰鳥下蒼苔積孤閣臨  
寒溪林壑莽蕭槭灌木紛相糾陰崖互崩坼何當秋雨  
時驚湍若潮汐來此十日眠濯足蛟龍宅

晚望翠微寺

澗西翠微寺迢迢翠微裏蒼茫采樵路似有微鐘起山  
風冷炊烟斜日亂溪水紛紛飛鳥還行人去何已

登石景山浮圖絕頂眺望

浮圖茲山頂嶮嶒插孤標千盤歷詰曲直上凌風飈寒  
空稍明淨百里見纖毫茫茫塞上山浩瀚連波濤渾河  
盪山來石壁如動搖咫尺居庸關鳥道迴青霄上谷接  
雲中設險非一朝聖代亭障空丸泥罷函艘關門開

落日士馬無矜驕廻身望漁陽城闕何赫赫剝丘植汝  
篋遺烈思燕昭望諸與騎刦智勇皆蓬蒿朔吹揚驚沙  
屯雲盤怒鶻慷慨一傷懷覽古心鬱陶逝將御冷風揮

手辭塵颺

碧雲寺魏闡葬衣冠墓

恭顯坐中書能死前將軍赤伏盡鈞黨禍始誅李雲讀  
史長太息閔彼漢運屯我來西山遊極目多丘墳何人  
穿復土雙闕高嶙峋天祿與辟邪夾道紛錯陳大書復  
深刻似欲驕千春冢中玉蟾蜍變化亦有神豈知窮奇  
骨不得安穸窀穸石與五鹿殫指隨塵塵嗟哉陽司隸  
毅魄為青燐孤貉同一丘無事勞沾巾松風催落日泥

飲當千巡西望咸陽原石馬嘶荆榛

臥佛寺

清晨越南澗畢景來東林石徑入幽聞稍聞鐘磬音禪房鴨腳古別院杪櫂陰春夕月復佳微雲滅遙岑山氣自翁鬱天宇亦森沉道人澹相對松風灑衣襟夙懷清淨退因識妙明心寂寥無可說請君張玉琴

晚入退谷卻寄孫北海先生

谷口遠烟暝水石起寒色西溪有歸人東峰隱餘日積雪封巉巖微徑雪中出殘冰流復斷暗泉聽還失不知荒寒中前峯去安極稍見轂轔牛悵望歸飛翼侍郎昔掛冠於此散愁疾畫壁滄洲圖有故友陳路告西壁結屋雲林側溪南

萬竿竹歲久漸蒙密為述淨名意更就支公室慙歎解巾非何年此棲息

故明景帝陵懷古

金山南臨裂帛湖荒陵十里鳩鶴呼奪門事往二百載行人過此猶欷歔紅牆剥盡古瓦落莓苔溜雨生銅鋪老松離立色枯槁但穴蟲蟻餘根株最塗龍輶禮本殺矧乃刦火經樵蘇咫尺天壽雲氣接坏土獨葬西山隅洪宣老臣稍凋喪國成一旦歸刑餘勃鞮之間史所貶詎有宦寺干征誅黃沙慘澹鼓聲死萬乘一擲成累俘國有君矣社稷重孫申謀鄭無差殊白登城南翠華返錢塘司馬功難誣紛紛南渡議和戰乃知計左非良圖

全寅之占信奇中朝衣東市嗟何辜劒南歸來西內閉  
唐家父子輸廐奴處人骨肉事非易子臧季札今則無  
功罪千秋有特筆九鼎一髮須人扶謚同泉鳩理太酷  
紀年猶幸無革除裁令流水良亦足寧論玉匣還珠襦  
欲落不落夕陽下弔古且復留斯須殘碑滅沒牛礪角  
石獦橫卧蒼鬚鬚君臣一代盡宿草雍門太息當何如

王泉

蕭晨金山下濯纓玉泉水十畝清瑤流分明鏡相似金  
膏時掩映碧玉相傾委水荇隨風翻靡靡映清泚垂楊  
夾磯岸其下多芳芷流為裂帛湖宛若昆明裏湖上多  
漁村網罟集沙尾宣宗昔遊幸龍舸茲山趾當年功德  
寺荒涼嘯山鬼何況芙蓉殿遺跡皆銷燬碧水自東流  
彌傷人代駛儻逐五湖舟去問鷗夷子

過金魚池懷愚山因以寄荅

昔君振遙策獨往嵩山中還歸陵陽下高詠北樓風舊  
榭宛苔迹清池銷蕙叢聊憑一書札緘意向飛鴻

計甫草至得苔文展成既庭書

芳序竟祚華別離年歲多綠陰散林樾首夏氣清和懷  
人罷琴酌思往屬流波還欣松陵子步屧一來過

雨中懷彭叢門因示葉訥菴

夏雨忽芊眠流雲度高閣簾幙數禽鳴綠陰一花落相  
思武原子遠寄羊城作文酒昔歡娛別離今寐寢年時

易晚晚壯歲風驚驛何當一樽酒共對成斟酌

井陘關歌

迴星城邊落日黃西來氣欲無太行柏巖雙壁稍狡猶  
目成已覺心清涼天公一夜送寒雨千疊萬疊雲錦張  
丹崖翠壁窈萬狀瑰奇娟妙難具詳綠蘿蕭蕭胥巾角  
石瀨颯颯漸去聲衣裳峯迴徑絕不知數谷窈脩見關中  
央戍樓旌竿湍雲直橫亘長城環亘防冠山子城瞰窮  
漠噴壑亘瀑布聞雷琅登樓顧盼豁胸臆四山雲氣爭飛  
揚蛟龍鬱律起眼底散為霖雨周八荒關南石勢更奇  
恠亦如突與連堂皇懸車束馬那可度行人緣棧如秋  
秧幽并澤潞此天險飛鳥欲過愁翹翔聖代即今罷烽

燧空餘画角吹嚴霜乃知地利未足恃此關幾閱諸侯

王

壽陽驛題韓文公詩後

天寶昔喪亂宰干及阿孽扇禍始漁陽流毒被河朔辛  
苦九門戰堂堂李與郭滋蔓逮三鎮世守恣兇虐軍中  
立留後諸藩擅官爵山東勁兵處縣官實自弱元和聖  
天子咨相授方略淮蔡洎淄青次第就束縛移兵壓山  
東勢如掃秋籜遺恨功未成殺機生魏博庭湊何么麼  
跳梁敢弗格偉哉昌黎公談笑狎巨鰐我行過壽陽遺  
詩緬猶昨韓愈殊可惜朝廷乃大錯真卿與巢父茲事  
詎堪數誰與秉國成蛾眉竟謠諑杜牧有罪言千秋實

良藥

介山

驅車綿上聚懷古綿上田授璧事已遠遺跡今虛傳晉國昔多難公子寶大賢五蛇為之輔一蛇獨者乾身隱竟焉文孤趙羞比肩逃榮誼固高報德理亦然徘徊望忌坂落日無寒煙何人貪天功嗟哉南內年

首陽山

峨峨首陽山迢迢屬雷首遙揖亘靈掌近對風陵口蒼茫河上舟搖落闕門柳一詠採薇歌昔人復何有

河上寄山史

前年君往蘭谿道金華洞中拾瑤艸傳來八詠似林文愛新詩愁絕倒華陰古道接弘農一望泰山深萬重遙看青壁孤雲起知在西南第幾峯

拜楊伯起墓道

悠悠闕內路驅馬桃林塞歸鳥岳祠邊長河遠天外大鳥下潼亭落羽今猶在夕日薦蘋繁愁心逐征旆

渭橋懷古

秦川夕澄霽灑水明如練西上中渭橋颯然秋氣變羸政昔構造作此象天漢美人與鐘鼓流連恣荒晏徐市期不來山鬼璧已獻我昨驪山行徘徊弔中叢荆榛蔽銀海樵牧羅金雁麒麟折其股冷落青梧觀後代復何王繡嶺明珠殿唯有終南山興亡幾回見

望華山

米芾金卷二

關中八水匯清渭獨朝宗黃河西來交會船司空河  
流挾底柱岳勢分弘農山河兩戒首氣壓轂函東金天  
正肅殺屹然白帝宮削成五千仞真宰散鴻濛及闢見  
岌峩元精羅心胷倏忽雲氣生西接終南峯諸峯忽已  
失俯首趨河潼峨峨司寇冠獨立青雲中蒼茫望三輔  
秋氣去安窮荒唐秦皇臘麻莫希夷蹤何當駕白鹿還  
共驥茅龍

鳳嶺

南岐地何高鳳嶺踞其右路絕無鉤梯直上若懸溜日  
月互蔽虧光明錯昏晝雲霧四蕩濶雷車中襍雜飛龍  
搏棟畫沙成篆籀初疑饑蛟蟠更作外蛇鬪聞昔周文  
王盛德及靈囿鳳鳥此來集世遠事悠謬末季重邊防  
戎馬幾馳驟秋風吹散關一夕驚老瘦

紫闢嶺

早發陳倉道馬蹄亂雲霧行行到紫闢雲低雨傾注衰  
徑中槎牙幽篁四森布大石立當闢勢如猛虎踞世無  
飛將軍磨牙爾何怒蛟龍喜昵近氣奪生憂懼怪鳥時  
一啼聞聲不知處黑江遠湏洞萬瀑齊奔赴頗聞紫柏  
山仙靈所遊寓石髓儻一逢白日生毛羽誰使野鶴姿  
貌斃隣籠筭真宰不可問更向蒼茫去

馬鞍嶺

米氏金石錄卷二

南下西睂關遠色疊諸嶺夤緣百里間斷崿蔽光景蹇  
墟疲登降纖路亦修整或仄如連軒或植如負屏或如  
歧陽鼓或如宛朐鼎如鳥或跂翼如魚或骨鰯殊狀紛  
角逐詭類爭一逞峭岸勢欲坼捷足不遑騁二分垂在  
外趾壓後人頂飛瀑時界道赴壑力逾猛人與水鬪爭  
心目各相警天意限雍梁設險有斯境君子履忠信小  
人懷僥倖永念垂堂言乘危更三省

觀音碑

本名閨王碑中丞改今名壁上  
有宋荔裳賦棧道平歌沈繹堂書

觀音碥險絕連山列天仗奔峭澗波濤大石蹴龍象造  
物鬱磊砢乃茲乃一放急瀑何砰訇盤石哉巨防渟為

千丈湫潭潭不流宕怪物中屈蟠豈無鎮紹壯憲燃牛  
渚犀窮此精靈狀頗聞賈中丞於此鑿疊嶂故人推沈  
宋詩筆各雄長星宿森光芒虬龍怒倔強解鞍苔石滑  
高歌一神王更須巨靈手運斤出天匠鐫我鄆閣銘敵  
彼小海唱

七盤嶺

七日行褒斜目贖耳亦聾濁浪崩崖垠征衣碎蒙茸不  
知天地闊詎測造化功岌然土囊口雞幘摩蒼穹磴道  
上七盤大翮排天風絕頂忽開豁白日當虛空褒水出  
谷流漢江繞其東巴山跨秦蜀蜿蜒連上庸川原盡沃  
野天府如關中橘柚鬱成林稻苗亦芃芃襄陽大船來

千里帆檣通當年號天漢運歸隆準公將相得人傑驅  
策芟羣雄一戰收三秦遂都咸陽宮智勇久淪沒山川  
自龍從跋馬向褒國日落烟濛濛

定軍山諸葛公墓下作

高密起南陽文終從去聲高祖暴繫本見疑數劙亦非武  
堂堂諸葛公魚水託心膂二表匹謀訓一德追伊呂視  
操但如鬼畏蜀還如虎嗟彼巾幘徒與公豈儔伍紫色  
復蛙聲抵隙各為主火井方三炎赤伏更平聲典午志士

恥帝秦祭器猶存魯陰平一失險面縛忘奔苦知公抱  
遺憾龍卧成千古峨峨定軍山悠悠沔陽滌鬱鬱冬青  
林哀哀號杜宇耕餘拾敗鎌月黑聞軍鼓譙侯寧足誅

激昂淚如雨

五丁峽

南窮石牛道嵒嵒下雲棧三日招我嵬足踔目猶眩豈  
知東蒼州耳目益奇變始過金牛驛樛嶠已凌亂漾水  
從北來芳足泛鳬雁舉頭嶓冢山峩冠倚天半大哉神  
禹功從此導江漢漸入五丁峽謫詭駛聞見斗壁何蹲  
磼十萬磨大劒攢羅列文戟茫昧通一綫亂水殷峽中  
鮫蜃喜瀾汗仰眺絕圭景俯聆梵雷朴九鼎鑄神姦到  
此百憂患東方牧犢兒竟使蠶叢判我行忽萬里風土  
異鄉縣身落大荒西終賴皇天眷咄咄復何言艱虞一  
身賤

米書金卷二  
夜至黃壩驛短歌

氐道森沉十日雨石林冥冥斷行旅洪濤殷地四山動  
百折盤渦噤難語前有蝮蛇後豺虎紅鶴哀號奮毛羽  
吾生胡為狎此曹命輕如毛爭一縷妻孥飄泊寄京國  
欲歸不歸在何所鄉關廻首四千里縱有苦辛誰告汝

朝天峽

朝登嘉陵舟日出羌水赤履險倦鞍馬即次亦稱適  
黠雙峽來突見巨靈跖嶄巖無寸膚青冥厲雙翮陰崖  
積龍蛻跳波畏鯨擲往往壓人頂駭此欲崩石洞穴峽  
半開兵氣尚狼籍蛇豕據成都置戍當險阨至今三十  
年白骨滿梓蓋流民近稍歸天意厭兵革會見寶盧人

燒金開礎石慷慨一扣舷浩歌感今昔風便黎州城北

茫波濤白

龍門閣

衆山如連鼈突兀上龍背鱗鬚中怒張風雨畫晦昧出  
爪作之而神奇始何伐亂水趨嘉陵波濤勢交匯萬壑  
爭一門雷霆走其內直跨背上行四顧氣什倍夕陽下  
岷峨天彭光破碎咫尺劍門關益州此絕塞子陽昔躍  
馬妖夢成怡儻區區王與孟泥首終一概李特亦雄兒  
僭竊竟何在

桔柏江

小舟飛青鵠西掠馬鳴閣閣道凌天闕稍幸息腰脚茫

范雙江來抱此益昌郭荒城豺虎多殘堞出叢薄國憶  
苴侯開江疑鼈靈鑿武都地勢高衆水競流落分道下  
氐羌兩川乃磅礴鳴水迴驚瀾陰平劃大壑仇鳩勢未  
夷犀牛道彌惡千里會葭萌崩騰似相索漭漭竟同流  
西逝連井絡九十九峰間回首一錯愕

天柱山

朝出元武門雲垂雨忽凍登天柱山千盤隨湧洞崕  
嶸逾巴闔檣牙過秦鳳陟嶺如累棋下谷如入甕心俯  
尻益高足縮目先送敢嗟鳥獸羣稍喜徒旅衆我有大  
羽箭屢龜輒命中於菟昂其首飲羽乃不動道旁松合  
抱巨可任梁棟惜哉野蔓纏不蒙匠石用絕頂見岷山

青城亦伯仲一氣連諸蕃三州寶西控太平幸無事左  
髻時入貢念彼松姚成坐甲苦饑凍俯臨陸海雄仰視  
天宇空長嘯千仞岡出險忽如夢

漁洋山人精華錄卷二

門人監察御史崑山盛荷升國子祭酒江陰曹禾同訂

候官門人林佶恭謄寫

男啟芳恭閱

第35649号

平成3.11.22

聖和學

園短大

図書館

928

キ

1

米朝金卷二

三

2018

